



Broj: 08-01-03/2-11-2-1172-24/24

Dana: 12.07.2024. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14 i 59/22) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-1172-21/24 od 08.07.2024. godine, u postupku javne nabavke "LOT 2: Nabavka laserskih štampača", ministar Ministarstva unutrašnjih poslova Zeničko-dobojskog kantona, d o n o s i:

### O D L U K U

o izboru najpovoljnijeg ponuđača "EMADO" d.o.o. Sarajevo, za "LOT 2: Nabavka laserskih štampača"

#### Član 1.

Prihvata se Preporuka Komisije za javne nabavke roba, usluga i radova (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-1172-21/24 od 08.07.2024. godine i ugovor za "LOT 2: Nabavka laserskih štampača" dodjeljuje se ponuđaču "EMADO" d.o.o. Sarajevo, sa ponudom broj: 08-01-03/2-11-2-1172-11/24 od 20.06.2024. godine i ponuđenom cijenom u iznosu od 19.120,00 KM bez PDV-a.

#### Član 2.

Odabrani ponuđač dužan je u roku od 5 (pet) dana od dana zaprimanja ove Odluke, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

#### Član 3.

Ova Odluka objavit će se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### O b r a z l o ž e n j e

Na osnovu Odluke o pokretanju postupka broj: 08-01-03/2-11-2-1172/24 od 29.04.2024. godine, Obavještenja o nabavci broj: 488-1-1-31-3-39/24 od 10.05.2024. godine i Ispravke obavještenja o nabavci broj: 488-1-1-31-8-48/24 od 03.06.2024. godine, proveden je otvoreni postupak javne nabavke "LOT 2: Nabavka laserskih štampača". Procijenjena vrijednost nabavke je iznosila 19.224,00 KM bez uključenog PDV-a. Sažetak obavještenja o nabavci broj: 488-1-1-31-3-39/24 objavljen je dana 17.05.2024. godine u "Službenom glasniku BiH", broj: 34, a Ispravka obavještenja o nabavci broj: 488-1-1-31-8-48/24 objavljena je dana 07.06.2024. godine u "Službenom glasniku BiH", broj: 39. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1172-8/24 od 11.06.2024. godine.

Komisija je sačinila Zapisnik o prijemu ponuda broj: 08-01-03/2-11-2-1172-19/24 od 24.06.2024. godine i Zapisnik sa otvaranja ponuda broj: 08-01-03/2-11-2-1172-20/24 od 24.06.2024. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda 3 (tri) ponuđača prijavilo na predmetno javno nadmetanje i to ponuđači: "EMADO" d.o.o. Sarajevo, "ELUR" d.o.o. Kiseljak i "IMTEC" d.o.o. Sarajevo.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1172-21/24 od 08.07.2024. godine, te utvrdila da:

Ponuđač "ELUR" d.o.o. Kiseljak nije kvalifikovan za LOT 2 obzirom da nije ispunio uslove iz tačke 13.1. tenderske dokumentacije, u dijelu koji se odnosi na tehničku sposobnost. Naime, iz potvrda o uspješno izvršenim ugovorima i pojašnjenja istih, koje je ponuđač dostavio, utvrđeno je da se odnose na isporuku laserskih štampača u vrijednosti od 14.428,00 KM bez PDV-a, a pomenutom tačkom tenderske dokumentacije je zahtjevana minimalna razina sposobnosti od 19.000,00 KM bez PDV-a za LOT 2.

Od ponuđača "ELUR" d.o.o. Kiseljak, aktom ugovornog organa od 28.06.2024. godine, zatraženo je pojašnjenje dostavljene dokumentacije za LOT 2, koja se odnosi na tehničku i profesionalnu sposobnost, jer se iz dostavljenih potvrda o uredno izvršenim ugovorima ne vidi u kojem dijelu i za koliku vrijednost se odnose na isporuku laserskih štampača. Ponuđač "ELUR" d.o.o. Kiseljak je dana 28.06.2024. godine putem mail-a dostavio pojašnjenje dostavljene dokumentacije, uz koje je dostavio račune-otpremnice ispostavljene ugovornim organima Sveučilište u Mostaru i Ministarstvo odbrane BiH iz kojih se vidi da je isporuka laserskih štampača u vrijednosti 14.428,00 KM bez PDV-a, odnosno manje od 19.000,00 KM, kako je zahtjevano tenderskom dokumentacijom.

Dana 05.07.2024. godine u 10:00 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 80/23), započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	EMADO d.o.o. Sarajevo	4201929330005	19.120,00	1
2.	IMTEC d.o.o. Sarajevo	4200918780002	19.200,00	2

Aukcija je okončana dana 05.07.2024. godine u 10:10 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	EMADO d.o.o. Sarajevo	4201929330005	19.120,00	0,00 %	1
2.	IMTEC d.o.o. Sarajevo	4200918780002	19.200,00	0,00 %	2

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM, sa popustom (prije e-aukcije)	Konačna cijena ponude bez PDV-a u KM, sa popustom (nakon e-aukcije)	Rang
EMADO d.o.o. Sarajevo	19.120,00	NE	19.120,00	19.120,00	1
IMTEC d.o.o. Sarajevo	19.200,00	NE	19.200,00	19.200,00	2

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "EMADO" d.o.o. Sarajevo, odabran je na osnovu ponuđene cijene u iznosu od 19.120,00 KM bez PDV-a.

**PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

**DOSTAVLJENO:**

1. Ponuđači, 1x-
2. Sektor za podršku, 1x.-
3. Spis, 1x.-

